



Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13) i člana 7. Odluke o standardima i kriterijima za imenovanje na poziciju predsjednika i članova Upravnog odbora i predsjednika i članova Nadzornog odbora Javne ustanove "Fond Memorijala Kantona Sarajevo" ("Službene novine Kantona Sarajevo", broj 34/19), ministar za boračka pitanja Kantona Sarajevo raspisuje

O G L A S

za imenovanje kandidata na poziciju člana Upravnog odbora Javne ustanove "Memorijalni centar Sarajevo" iz reda stručnih radnika Javne ustanove "Memorijalni centar Sarajevo" i predsjednika Nadzornog odbora Javne ustanove "Memorijalni centar Sarajevo" ispred Ministarstva za boračka pitanja Kantona Sarajevo

Oglašavaju se pozicije:

U Javnoj ustanovi "Memorijalni centar Sarajevo" (u daljnjem tekstu: Memorijalni centar Sarajevo), i to:

- član Upravnog odbora iz reda stručnih radnika Memorijalnog centra Sarajevo.....1 izvršilac
- predsjednik Nadzornog odbora ispred Ministarstva za boračka pitanja Kantona Sarajevo.....1 izvršilac.

Predsjednika i članove Upravnog odbora i predsjednika i članove Nadzornog odbora Memorijalnog centra Sarajevo, imenuje Vlada Kantona Sarajevo na osnovu prijedloga Ministarstva za boračka pitanja Kantona Sarajevo (u daljnjem tekstu: Ministarstvo).

Opis pozicije-nadležnost Upravnog odbora:

- a) donošenje Pravila Memorijalnog centra Sarajevo;
- b) imenovanje i razrješenje direktora odnosno v.d. direktora Memorijalnog centra Sarajevo;
- c) utvrđivanje planova rada i razvoja Memorijalnog centra Sarajevo;
- d) utvrđivanje godišnjeg programa rada;
- e) donošenje finansijskog plana i usvajanje godišnjeg obračuna;
- f) donošenje općih akata o unutrašnjem uređenju i sistematizaciji poslova i drugih općih akata, u skladu sa zakonom i Pravilima Memorijalnog centra Sarajevo;
- g) odlučivanje o svim pitanjima obavljanja djelatnosti radi kojih je Memorijalni centar Sarajevo osnovan, ako zakonom nije određeno da o određenim pitanjima odlučuje drugi organ Memorijalnog centra Sarajevo;
- h) usmjeravanje, kontrolisanje i ocjenjivanje rada Memorijalnog centra Sarajevo;
- i) rješavanje svih pitanja odnosa sa Osnivačem;
- j) odlučivanje o korišćenju sredstava preko iznosa utvrđenog Pravilima Memorijalnog centra Sarajevo;
- k) odgovornost Osnivaču za rezultate rada Memorijalnog centra Sarajevo;



- l) odlučivanje o prigovoru radnika na akte kojim je direktor odlučio o pravu, obavezi i odgovornosti radnika iz radnog odnosa i odlučivanje o prigovorima kandidata po raspisanom javnom oglasu za prijem u radni odnos;
- m) podnošenje Osnivaču najmanje jedanput godišnje izvještaj o poslovanju Memorijalnog centra Sarajevo;
- n) redovno dostavljanje Ministarstvu za boračka pitanja Kantona Sarajevo zapisnika sa održanih sjednica Upravnog odbora;
- o) obavljanje i drugih poslova u skladu sa zakonom i Pravilima Memorijalnog centra Sarajevo.

Opis pozicije-nadležnost Nadzornog odbora:

- a) analizira izvještaj o poslovanju Memorijalnog centra Sarajevo;
- b) u vršenju nadzora nad upotrebom sredstava za rad pregleda godišnji izvještaj o poslovanju i godišnji obračun;
- c) pregleda i provjerava urednost i zakonitost vođenja poslovnih knjiga;
- d) izvještava Osnivača, Upravni odbor i direktora o rezultatima nadzora.

Član Upravnog i predsjednik Nadzornog odbora imenuju se na period od četiri godine i mogu biti ponovo imenovani.

Naknada za rad u Upravnom i Nadzornom odboru utvrđuje se opštim aktom Memorijalnog centra Sarajevo.

Kandidat za imenovanje mora ispunjavati slijedeće opće uslove:

- da je stariji od 18 godina (dokaz: rodni list);
- da je državljanin Bosne i Hercegovine (dokaz: uvjerenje o državljanstvu);
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije (dokaz: izjava potpisana i ovjerena od strane nadležnog organa);
- da se na tog kandidata ne odnosi član IX.1. Ustava Bosne i Hercegovine (dokaz: izjava potpisana i ovjerena od strane nadležnog organa);
- da nije osuđivan za krivično djelo nespojivo sa dužnošću u Upravnom/Nadzornom odboru Memorijalnog centra Sarajevo u čiji se upravni/nadzorni odbor kandiduje (dokaz: izjava kandidata potpisana i ovjerena od strane nadležnog organa da će u slučaju da bude izabran dostaviti uvjerenje da nije osuđivan za krivično djelo nespojivo sa dužnošću u upravnom/nadzornom odboru Memorijalnog centra Sarajevo);
- da mu nije izrečena zaštitna mjera vršenja poziva, djelatnosti i dužnosti u prekršajnom postupku, nespojiva sa dužnošću u Upravnom/Nadzornom odboru Memorijalnog centra Sarajevo u čiji se upravni/nadzorni odbor kandiduje (dokaz: izjava kandidata potpisana i ovjerena od strane nadležnog organa da će u slučaju da bude izabran dostaviti uvjerenje da mu nije izrečena zaštitna mjera vršenja poziva, djelatnosti i dužnosti u prekršajnom postupku, nespojiva sa dužnošću u Upravnom/Nadzornom odboru Memorijalnog centra Sarajevo);
- da protiv njega nije podignuta i potvrđena opuznica niti izrečena osuđujuća presuda za krivično djelo sa propisanom kaznom zatvora do pet godina (dokaz: izjava kandidata potpisana i ovjerena od strane nadležnog organa da će u slučaju da bude izabran dostaviti uvjerenje da protiv njega nije podignuta i potvrđena opuznica niti izrečena osuđujuća presuda za krivično djelo sa propisanom kaznom zatvora do pet godina);
- da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (dokaz: izjava kandidata potpisana i ovjerena od strane nadležnog organa);
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj 70/08), (dokaz: izjava kandidata potpisana i ovjerena od strane nadležnog organa).



Pored navedenih općih uslova kandidati koji se prijavljuju na oglas moraju ispunjavati i slijedeće posebne uslove:

- stečena diploma visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja (ovjerena kopija diplome);
- najmanje pet godina radnog iskustva u struci (dokaz: uvjerenje o radnom iskustvu u struci),
- da nema privatni finansijski interes u Memorijalnom centru Sarajevo u čiji se Upravni i Nadzorni odbor imenuje (dokaz: izjava potpisana i ovjerena od strane nadležnog organa);
- da nije direktor javne ustanove (dokaz: izjava potpisana i ovjerena od strane nadležnog organa);
- da nije član više od jednog upravnog i nadzornog odbora (dokaz: izjava potpisana i ovjerena od strane nadležnog organa).

Dokumenti kojima se dokazuje ispunjavanje općih i posebnih uslova ne mogu biti stariji od šest mjeseci.

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata koji su dokaz o ispunjavanju općih i posebnih uslova traženih oglasom.

U uredno potpisanoj prijavi, obavezno navesti poziciju na koju se kandidat prijavljuje (član Upravnog odbora JU "Memorijalni centar Sarajevo" iz reda stručnih radnika Memorijalnog centra Sarajevo ili predsjednik Nadzornog odbora JU "Memorijalni centar Sarajevo" ispred Ministarstva za boračka pitanja Kantona Sarajevo).

Oglas ostaje otvoren 15 dana od dana posljednjeg objavljivanja. Oglas će biti objavljen u Službenim novinama Federacije BiH, u jednom dnevnom listu, kao i na Web stranici Ministarstva za boračka pitanja Kantona Sarajevo.

Nepotpune i neblagovremene prijave neće se uzeti u razmatranje.

Prijave na oglas se dostavljaju na adresu: Kanton Sarajevo – Ministarstvo za boračka pitanja Kantona Sarajevo, Sarajevo, ulica Reisa Džemaludina Čauševića broj 1, uz naznaku:

**PRIJAVA NA OGLAS – UPRAVNI ODBOR/NADZORNI ODBOR JAVNE USTANOVE
"MEMORIJALNI CENTAR SARAJEVO"
- NE OTVARAJ -**

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo.

Kandidati koji budu izabrani sa liste užeg izbora kandidata koji ispunjavaju uslove Oglasa dužni su u roku od sedam dana od dana prijema obavijesti o izboru, dostaviti Ministarstvu za boračka pitanja Kantona Sarajevo: uvjerenje da nije osuđivan za krivično djelo nespojivo sa dužnošću u Upravnom/Nadzornom odboru Memorijalnog centra Sarajevo izdato od nadležnog MUP-a – Uprava policije), uvjerenje da nije izrečena zaštitna mjera vršenja poziva, djelatnosti i dužnosti u prekršajnom postupku, nespojiva sa dužnošću u Upravnom/Nadzornom odboru Memorijalnog centra Sarajevo izdato od nadležnog suda i uvjerenje da nije podignuta, potvrđena opužnica niti izrečena osuđujuća presuda za krivično djelo sa propisanom kaznom zatvora do pet godina izdato od nadležnog suda.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-012, Fax: + 387 (0) 33 562-251
Web: <http://mbp.ks.gov.ba>, E-mail: mbp@mbp.ks.gov.ba

pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se popuniti neposredno prilikom intervjua.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka BiH ("Službeni glasnik BiH", br. 49/06, 76/11 i 89/11). Kandidati koje nakon intervjua preporučí Komisija za izbor, smatrat će se da su najuspješnije prošli otvorenu konkurenciju.

Imenovanje kandidata za člana Upravnog odbora Javne ustanove "Memorijalni centar Sarajevo" iz reda stručnih radnika Javne ustanove "Memorijalni centar Sarajevo" i predsjednika Nadzornog odbora Javne ustanove "Memorijalni centar Sarajevo" ispred Ministarstva za boračka pitanja Kantona Sarajevo izvršiti će Vlada Kantona Sarajevo na osnovu sastavljene liste povoljno ocijenjenih kandidata.

Broj:06-04-29616/24
Sarajevo,21.05.2024.godine

